



№62 (10052)  
6 тамыз,  
сейсенбі  
2024 жыл

# Жалағаш жаршысы



«zhalagash-zharshysy.kz»  
ақпараттық агенттігі

Аудандық қоғамдық-саяси газет

Газет 1934 жылдың 10 қаңтарынан бастап шығады

## Бәрекелді!



### Чемпиондарымыз елге оралды

Париж Олимпиадасының алғашқы күні Қазақстан қоржынына алтын медаль салған чемпион Елдос Сметов пен қола жүлде еншілеген Ғұсман Қырғызбаев елге оралды.

Олимпиада жүлдегерлерін отбасы мен қалың жанкүйерлер, БАҚ өкілдері Алматы әуежайында қарсы алды. 60 келі мен 66 келі салмақ дәрежесінде ел намысын қорғаған дзюдошылар қолдау білдіріп, сенім артқан Қазақстан халқына алғыс айтты.

— Алматы әуежайындағы атмосфера тамаша. Қазақ еліне рақмет. Алтын алам деп барғанмын. Бұйырғаны қола болды. Бар күш-жігерімді салдым. Бірақ қола алдым. Бәрі керемет болды, — деді Ғұсман Қырғызбаев.

Естеріңізге салсақ, Парижде өтіп жатқан Олимпиада ойындарында барша қазақстандықтар тарихи жеңістің күесі болды. Дзюдодан екі бірдей қандасымыз жоғары нәтижеге қол жеткізіп, жеңіс тұғырынан көрінді. Жекелей сында 60 келі салмақ дәрежесінде сыңа түскен спортшымыз Елдос елімізге Париж Олимпиадасының алғашқы алтынын сыйлады. Ал 66 келі салмақта өнер көрсеткен спортшымыз Ғұсман Қырғызбаев үздік үштікті түйіндеді.

Ерлан СОЗАҚБАЕВ

## Париж — 2024



### Ел қоржынына күміс жүлде түсті

Әлем көз тіккен Париждегі олимпиада ойындарының алғашқы күндері қазақ спортшылары айды аспанға шығарып, қоржынға алтын да, қола да салды. Біз үшін тамаша басталған олимпиада халыққа керемет көңіл-күй сыйлады. Алайда бұл медальдардан кейін жерлестеріміздің жеңіске жетуі қиындай түсті. Бақ сынаған спортшыларымыз жарыстан шығып қалып жатты. Сәтсіздіктерден кейін ел медальдан үміт үзе бастаған сәтінде жерлесіміз Нариман Құрбанов спорттық гимнастиканың ат снарядындағы жаттығуда күміс жүлдеге қол жеткізді.

Отандасымыз ақтық сында 15.443 ұпай жинаған. Осылайша Нариман елімізге спорттық гимнастикадан олимпиаданың алғашқы медалін сыйлады. Сондай-ақ ол — тәуелсіз Қазақстан тарихында өз атында элементі бар алғашқы гимнасшы. Мақтанарлық жағдай.

— Спорттық гимнастикадан ұлттық құрама көшбасшысын Қазақстан қоржынына күміс жүлде салғанымен шын жүректен құттықтаймын! Лайықты түрде жеңіске жетті. Қазақстан құрамасы үшін өте қуанышты және осы жүлдеге субелі үлес қосқан барлық

маманға, жаттықтырушыларға алғыс айтамын. Осы орайда Нариманның жоғары кәсібилігін ерекше атап өткім келеді. Спортшымызға жанкүйерлер үлкен сенім артты, одан медаль күтті. Ал Нариман Құрбанов жанкүйерлердің үмітін ақтап, ел қоржынына күміс жүлдені салды. Бұл медаль — осы күнге дейін тегілген тер мен еселі еңбектің өтеуі деп білемін. Қазақстандық спортшылар әлемдік аренада кәсіби шеберлігін көрсетіп жатыр деп мақтанышпен айта аламыз. Бұл — олимпиададағы соңғы жүлдеміз емес екеніне, әлі де көк туымыз көкте желбірейтініне сенімдімін.

Барлығына алғыс айта отырып, Нариманды күміс жүлдесімен тағы бір мәрте құттықтаймын, — дейді Туризм және спорт министрі.

Айта кетейік, қазақстандық Нариман Құрбанов жаттығуды ең бірінші болып орындап, 15.433 ұпай алды. Ол базалық қиындығы 6,7-ге тең жаттығуды сәтті орындап шықты. Бұл сында алтын медальді ирландиялық Риз Макленеген иеленді. Оның ұпай көрсеткіші — 15.533. Ал қола медаль америкалық Штефан Недорочектің еншісінде кетті.

— Спортта үлкен жетістікке жететініне сенбей, әкеме менен ештеңе шықпайтынын жиі айтатындар көп болатын. Биылғы маусымда әрбір жарыс алдында суретке карап, армандайтынмын. Ал Олимпиададан жүлде алу бала кезден бергі арманым болған емес. 18 жасымна қарай жазғы ойындарға қатысып, жүлде алуға асыға бастадым. Алдыма мақсат қойдым. Мақсатыма жету үшін тынбай еңбек еттім. Елімізде бұл медальді қалай қабылдайтының, халықтың қалай қуанып жатқанын жақсы білемін. Қазір бұл медальді ұстағаннан гөрі, еліміздің қуанып жатқанын көру мен үшін үлкен бақыт, — дейді олимпиада жүлдегері.

Жандос МАХМҰТҰЛЫ

## Бақылау



### Құрылыс жұмыстары қарқынды

Соңғы жылдары ауданымызда құрылыс жұмыстары қарқын алды. Аудан орталығындағы халыққа қызмет көрсететін зәулім сауда орталықтары, балабақша, спорт мектебі, елді мекендердегі су жаңа емханалар — ауқымды жұмыстың жүріп жатқанының дәлелі. Ең бастысы халық жаңадан бой көтерген нысандардың бүгінде игілігін көруде.

Осы орайда аудан әкімі Ардақ Ибраимов «Руханият» орталығының және Бұқарбай батыр ауылындағы №33 орта мектеп ғимаратының күрделі жөндеу жұмыстарының жөй-күйімен танысты.

Алдымен №33 орта мектеп ғимаратының күрделі жөндеу жұмыстарымен танысқан аудан әкімі мен мердігер мекемеге жаңа оқу жылы басталатын уақытқа дейін құрылыс жұмыстарын уақытылы және сапалы аяқтауды тапсырды. Қазіргі таңда күрделі жөндеу жұмыстары қарқынды жүргізілуде.

Биыл ауданымыз үшін ең ауқымды жобаның бірі, аймақ басшысының қолдауымен жалпы құны 1,6 млрд теңгеге құрайтын «Руханият» орталығы салынып жатыр. Музей, кітапхана, мұрағат, неке кино залы, ардагерлер және аналар кеңесі, жастар орталықтары, азаматтық қоғам өкілдері мен тарихи-мәдени, рухани ұйымдарын біріктіретін типтік үлгідегі «Руханият» орталығы биыл жыл соңына дейін пайдалануға берілетін болады.

Сондай-ақ Ардақ Ибраимов аудан орталығының көкейтесті кәсіпкерлер мен бизнесмендерін қолдайтын кеңейту-кеңалдандыру жұмыстарының барысымен танысып, саябақ пен аллеяларда тиісті абаттандыру жұмыстарын жүргізу қажеттігін айтты.

«ЖЖ» ақпарат

## Білім

### 79 мың түлек тегін білім алады

Өткен аптаның соңғы күндері мектеп бітірген жастарымыз үшін ерекше болды. Өйткені тағатсыздана күткен 2024-2025 оқу жылына арналған білім гранты иегерлерінің тізімі жарияланды. Жастардың түрлі эмоцияларын тегін білім алуға деген бәсекелестіктің жоғары деңгейде болғанын анық байқауға болады. Бірі өзіннің арманындағы мамандығы бойынша білім грантын жеңіп алса, екіншісі «Өттеген-ай» деп тегін оқу мүмкіндігінен айырылып жатыр.

Жалпы биыл 104 мыңнан астам талапкер білім гранттарын тағайындау конкурсына қатысуға өтініш берген. Бұл былтырғы көрсеткіштен 10 мыңға артық екен. Ең көп таңдалған қала — Алматы, 42 мың бала оңтүстік астана-намызда студенттік шақты өткізуді құп санаған. Елорданың оқу орындарында оқу үшін 22 мың өтініш қабылданды, 6,5 мың адам Шымкент қаласының университеттерінде оқуға ниет білдірген.

Биыл жалпы 112 мың грант бөлінген. Оның ішінде бакалавриатқа 79 мың, магистратураға 13 мыңға жуық, докторантураға түсу үшін 1



900-ден астам грант қарастырылған. Ғылым және жоғары білім министрлігінің хабарлауынша, ең көп грантты «Машина жасау, өңдеу өнеркәсібі, құрылыс индустриясы» білім беру бағдарламалары тобы алған, олардың саны 19 344 грантты құрайды. Гранттардың басым бөлігі «Инженерлік, өңдеу, құрылыс салалары» білім беру бағдарлама топтарына бө-

лінген, олардың саны 19 344 грантты құрайды. Ал «Педагогикалық ғылымдарға» — 13 735 грант, «Ақпараттық коммуникациялық технологиялар» саласына — 10 903 грант, «Жаратылыстану ғылымдары, математика және статистика» бағытына — 8 288 грант тиесілі.

Мемлекеттік гранттар республикалық комиссия отырысының қорытын-

дысы бойынша тағайындалған. Иә, грант иегерлерін анықтау комиссия мүшелері үшін де оңай болмағаны анық. Комиссия құрамында ҚР Парламентінің депутаттары, мүдделі мемлекеттік органдардың, білім саласы кәсіподақтарының, ҚР Ұлттық кәсіпкерлер палатасының, ҚР Жоғары оқу орындары ассоциациясының және қоғамдық ұйымдардың өкілдері болды.

ЖАЛАҒАШ 3-БЕТТЕ.





